

O‘zbekiston Respublikasi Prezidentining “O‘zbekiston Respublikasining 2022–2026 yillarga mo‘ljallangan investisiya dasturini tasdiqlash hamda investisiya loyihalarini boshqarishning yangi yondashuv va mexanizmlarini joriy etish to‘g‘risida” 2021 yil 30 dekabrda PQ–72-son qaroriga asosan “O‘zmetkombinat” AJ tomonidan “Quyuv-prokatlash majmuasini qurish” investisiya loyihasi (keyingi o‘rinlarda – Loyiha) amalga oshirilmoqda.

### **Loyihada amalga oshirilayotgan ishlar:**

Mazkur loyihani amalga oshirish doirasida texnologik uskunalarni yetkazib berish uchun “Danieli” (Italiya) kompaniyalar guruhi bilan jami qiymati **359,3 mln yevrolik** va qurilish ishlari uchun “Ronesans Avrasya” (Turkiya) kompaniyasi bilan **170,0 mln yevrolik** shartnomalar imzolangan.

1. “Ronesans Avrasya” kompaniyasi tomonidan bugungi kunga qadar umumiy bajarilgan ishlar xajmi **91,5%** tashkil etdi.

Mazkur loyihani amalga oshirish doirasida bosh pudratchi “Ronesans Avrasya” kompaniyasi tomonidan qurilish-montaj ishlariga **1 513 nafar** ishchi-xodim jalb etilgan bo‘lib, **281 nafari** muhandis-texnik xodimlar hamda **98 ta** texnikalar jalb qilingan.

Shu bilan birga, qurilish maydonida “Ronesans Avrasya” kompaniyasi tomonidan quyidagi ishlar amalga oshirilmoqda:

- texnologiya poydevorlarini o‘rnatish;
- po‘lat konstruksiyalarini montaj qilish;
- birlamchi zang tindirish hovuzida temir-beton ishlari;
- ishchi hujjatlarni ishlab chiqish.

### **2. “Danieli” (Italiya) kompaniyalar guruhi bo‘yicha**

Kombinat tomonidan jami **318,89 mln yevro** miqdorida to‘lov amalga oshirildi. Shundan, qiymati **298,8 mln yevro** yoki **94,9%** texnologik uskunalar kombinatga keltirildi.

Qiymati **20,6 mln yevro** bo‘lgan asosiy texnologiya uskunalari uchun injiniring **100%** ishlab chiqildi. Jami **2,58 mln yevro** yordamchi uskunalari va ehtiyot qismlar injiniring loyihasining **100%** ishlab chiqildi.

**“Danieli” (Italiya) kompaniyalar guruhi** montaj jamoasi bosqichma – bosqich qurilish maydonchasiga safarbarlik jarayoni davom etmoqda va kerakli texnikalarning aksariyat qismi qurilish maydonchasiga keltirildi.

Hozirgi kunga qadar qurilish maydonchasida **46,3 mln yevro** yoki **76,5%** (jami **60,5 mln yevro**) miqdorida montaj ishlari va maslahat ishlari amalga oshirildi.

### **3. “O‘zmetkombinat” AJ tomonidan bajarilayotgan ishlar bo‘yicha**

Qurilish-montaj bo‘linmasi tomonidan quyidagi ishlar amalga oshirildi:

- obyekt qurilishi uchun **18,5 gektar** yer maydonini ajratish bo‘yicha tegishli qarorlar rasmiylashtirildi;

- **893 m3** dan oshiq hajmda **temirbeton konstruksiyalari** o‘rnatildi;

- qurilish maydonlaridagi **8 ta** mavjud **yordamchi tsex, bino va inshootlar to‘liq demontaj** qilindi;

- kombinat ichki logistika samaradorligini oshirish va yuk avtomobillarining uzluksiz oqimini ta‘minlash maqsadida **“Dalvarzin” kanali orqali yangi ko‘prik hamda 6-son yangi nazorat-o‘tkazish punkti** qurildi;

- qurilish maydonlarida **muxandislik-geologiya ishlari** to‘liq nihoyasiga etkazildi;

- 3-son **temir parchalarini tayyorlash estakadaning to‘liq demontaji** yakunlandi, jumladan, barcha ustunlar, plitalar, kranosti ustunlar va galereyalar (o‘tish joylari) to‘liq demontaj qilindi;

- **ma‘muriy korpus** bo‘yicha umumiy qurilish ishlari **100 foizi** bajarildi;

- **maishiy korpus** bo‘yicha umumiy qurilish ishlari **70 foizi** bajarilgan bo‘lib, hozirgacha bino qad rostlab tom qismi yopilgan, yakunlash ishlari loyihaning so‘nggi bosqichlarida rejalashtirilgan;

- **oshxona qurilishi** bo‘yicha ishlar to‘liq yakunlanib, pudratchiga vaqtincha foydalanish uchun topshirilgan;

- **814 metrli** yangi temir yo‘l to‘liq qurib bitkazilib, foydalanishga topshirilgan;

- **markazlashgan ombor** bo‘yicha qurilish-montaj ishlari **100 foizi** bajarilgan bo‘lib, ko‘prikli kranlar etkazib berilgan va tashqi kommunikasiya tortilishi ishlari amalga oshirilmoqda. Ayni vaqtda ushbu binodan “Danieli” kompaniyalar guruhi tomonidan etkazib berilgan uskunalarni saqlash ombori sifatida foydalanilmoqda;

- Bekobod shahri ostonasidan kombinat hududiga eltuvchi, uzunligi **1,2 km** bo'lgan **yangi avtomobil yo'li qurilishi** to'liq yakuniga etkazilib, foydalanishga topshirildi.

Tender natijasiga ko'ra, Xitoyning **AVIC** kompaniyasi **12,7 mln yevro** taklif bilan texnik va tijoriy tomonlama g'olib deb topilib yuqoridagi summaga shartnoma imzolandi va **2,5 mln yevro** miqdorida avans mablag'i va **8,8 mln yevro** etkazib berilgan uskunalar uchun pul o'tkazildi. **12,4 mln yevro**lik yoki **97,8 %** (jami **12,7 mln yevro**) uskunalar keltirildi va bojxona rasmiylashtiruvidan o'tkazildi. Bazaviy loyiha **100%**ga bajarildi va uskunalarni etkazib berish davom etmoqda.